

中華民國三十一年九月

南昌姚授廷先生紀念冊

周子實謹題

姚授廷先生訃告

孔祥熙
題

先嚴姚公

諱

定傳

號

授廷府君痛於國曆廿九年九

月八日壽終興國鄉寓正寢遺櫬經暫厝興國高興墟松山村老屋場富田崗之陽俟原籍南昌收復後再行歸葬祖塋國難方殷喪祭奉命從簡統此哀告不另訃聞賻貺懇辭伏乞矜鑒

棘人

姚肖廉稽顙

姚廷先先生遺像

余建丞題



冥壽六十

授廷先生遺像贊

霜然和粹

儒者之風

溫恭純正

孝友呈崇

胡天不慙

還折乃窮

元氣所積

必昌厥宗

高秉坊敬題

南昌姚授廷先生三週年忌祭 六十歲冥壽紀念冊目次

題署

(江西全省商會聯合會周主任委員子實題)

訃告

(孔副院長庸之題)

遺像

(江西實業銀行余董事長建承題)

像贊

(財政部直接稅處高處長春如題)

行狀

年譜

祭文

謝啓

行狀

異鄉寄寓頤養晨昏小病竟
登仙憶頻年庭訓殷勤愛範
繼承追父志

光復在兒肩

設奠待他日河山收拾遺規
奉電馳歸幸親湯藥招魂今

哭父聯

先嚴授廷先生行狀

吾父諱定傳，號授廷，生前清光緒九年癸未八月初二日；民國二十九年庚辰八月初七日，歿於興國客次！嗚呼，天乎？仁者壽，有德者祿，吾父乃止是邪？不肖孤，上累吾父久於旅，飲膳醫藥失節，用速禍，吾其長爲無父之兒矣！吾父體氣素康，迨避倭亂南來，而吉安，而泰和，而興國，而贛縣，風塵僕僕，迄未少現勞瘁；方期承歡膝下，順養天年，彼蒼乃遽奪之以去，頓使藐躬失恃，猶瀝血苦塊以字先德，嗚乎，尙忍言之？

居嘗考次譜系，姚氏自姚墟受姓，由晉而豫，史有闕文。迨茂國公來任儒學山長，居靈源，而始有譜；谷清公再遷荷竹，遂家焉。祖輩世業岐黃於東魯，旅是者恆數年不歸，吾父鑒於行役之苦，辭不走魯，吾族五代同堂，而絕祖業之倚畀者，蓋自吾父始。稍長，恭迎吾祖歸養，仰事俯畜悉獨任之。家伯翰廷公幼就讀東魯，自吾祖逝後，則鄉居課讀以奉吾祖母；吾父經商在外，定省多疏，除寄資以奉甘旨外，猶隨時資助之，迄吾祖母去世後，未嘗少有間斷。伯父育子凡七，婚讀皆吾父任之，患病則爲之延醫，賦閒則爲之擇業，置產則益之以資，出行則助之以贍，諸伯叔兄弟以是嘗得怡怡之樂，然吾父則已心力交瘁矣。

吾自幼隨雙親，僑居漢潯間，以別無兄弟姊妹，故愛之甚，然吾父亦不稍涉姑息。嘗憶卯角時以無輩儲佐膳，輒捫其碗，吾父秉愛能勿勞之旨，痛責不稍貸。長令就學，家用嘗不給，恆易金銀器物以無爲束脩之敬。旋承世伯余願生青睞，招令附讀於其家塾中，得業師曾恆齋王幹侯兩先生分課中英文字；

民十五年試考九江第三中學，竟獲高售，遂令入學，仍不廢塾中詩書課。民二十一年卒業，復遣赴漢滬投考大學，鑒於商戰需才，遂令入國立暨南大學，政會計銀行系，吾今日之幸能自立者，要不能不叨蔭於吾父之真知卓見也。民二十五年，吾方畢業大學，得商學士學位，吾父竊喜，旋以由學校資送江蘇銀行實習，吾特迎父遨遊京滬蘇杭一帶，藉博權心。未幾江西省政府合署辦公，新設統計室，吾以稿友資格，承主任劉公洽乾約任研究員，遂趣裝回省任職。是時吾父仍經商九江，遂迎回南昌奉養，良以毛詩所詠「父亦勞止，汙可小休」也。

旋吾父以公私各事均已就緒，而年事日高，又以諸姑伯叔期功兄弟輩，均克樹立，乃議析產以居，田畝房房悉以貽之，吾家僅得園地一方，書箱三襲而已。顧謂余曰：「吾培植汝大學畢業，知識即汝之產業也，須知積財千萬，不如一技在身，田畝房屋，汝將無所用之。」當時里中播爲美談。父執余世伯建丞先生方任南昌市商會主席，並創辦商業夜校，吾父既力贊其成，因語余曰：「商人類多失學，宜以所學者助之，以後並懸以爲例，暇必任教，匪特與人爲善，抑亦教學相長之一法也。」因受聘任講席。抗戰軍興，舉家避居吉安，仍就當地商會餘屋辦理商業夜學吉安分校，吾今兼任贛縣商會商業學校講席及主辦私立東南高級商業職業學校，實秉斯旨。二十八年江西省農業院移吉，省委蕭公叔綱時兼院長，調吾任事務股股長，及農院移泰。復迎堂上至泰和就養，六月五日敵機來炸，居屋被燬者半，遂又遷居興國高興墟劉村，愛其地居民儉樸，風俗淳厚，又無空襲之虞，遂暫賦安居。民二十九年一月，吾又承財政部江西直接稅局局長吳公仕漢約任第三課長，並兼掌經濟研究室事務，遂於三月間再奉迎來贛，吾父以吾輩具有新人新稅之精神，嘗嘉許焉。

吾父昔對族務，多所贊助，族兄節卿先生纂修宗譜，實有以倡之。復以吾就事梓鄉，因令捐一月薪俸所得，修葺宗祠，所以示敦睦之義也。吾父自奉儉約，而扶危濟困，則慷慨解囊，恆罄所有。故鄉淪

陷後，親族多有避地南來者，吾伯叔兄弟亦相率遷避，吾父將累年積蓄，悉以周之，族中賢者，聞風繼起，踴躍輸將，遂有吉安楊家坊村姚灣難族救濟會之設，迄今未替焉。是年五月，吾父以興寓衣物，諸待摒擋，乃偕吾母回興，將擬秋涼復回贛郡。在興月餘，行且有日，突以小病，臥莫能興，時吾方主講直接稅東南講習班，倉卒奉電，星夜馳歸，吾父猶能絮絮爲吾道家常，且謂「吾病匪險症，死亦無所懼，惟望度此花甲，看河山光復。吾年雖漸老，吾體氣與志趣仍適青年，汝輩宜有錢出錢，有力出力，以報効黨國。吾當爲汝治族事，理家務，以紓汝輩後顧之憂」。重味斯言，吾真不知涕泗之何從也。病凡十日，竟不得救，易簀之夕，兒孫繞膝，媳女集侍，除吾母外，皆自數百里外夙夜奔來，搶天呼地，百身莫贖，吾其長爲無父之兒矣！國難方殷，遽遺命喪祭從簡，賻服懇辭，遺幃已暫殯高興墟松山村富田崗之陽，俟原籍收復，再行歸葬祖塋，嗚乎痛哉！

語云：樹欲靜而風不息，子欲養而親不在，眷懷子職，定省何從。吾年少任重，遽遭大故，蹉跎在疚，罔所擇言。惟念府君待人接物，悉秉至誠，謹述生前行誼，爲當代時賢告，世有大手筆，能表章幽潛，光昧於無窮，稽首百拜以請。

棘人
姚公鑑
有廉
泣述

姚定傳授廷先生

六十簡譜

兒子肖廉謹輯

公諱定傳，號授廷，乳名字賡（譯音），體處其字也。

姚，系出有虞（見路史後紀），帝舜後（郭氏山海經大荒南經注），因生姚墟（今山西永濟），故賜姓姚（見左傳）。

第十一世祖彥國公，于隋煬帝丙寅，自汴梁續賢鄉來任隆興路富州（今豐城）儒學山長，遂卜居瑞陽新昌縣之靈源（舊名華溪）天德鄉。始遷江西，至自錦公而有族譜。

第十八世祖谷清公，遷居南昌菴竹灣，是爲姚灣之始祖。

第四十世祖文班公，執歧黃業于山東平陰縣牛角店，子五，而武賀公行四。父武賀公得子二，公其季也。

母葛氏，本昌廳下葛性梓公之長女。

兄定傳，號翰廷，字師虞，長于公者四歲。

姊二，一適生米嶺唐泰藩，一適文家坊文英先。

民紀元前廿九年（清光緒九年癸未，西紀一八八三年）

公年一歲

夏歷八月初二日卯時生於江西南昌姚灣鄉，地距省垣四十里許，在贛江之東岸，時武賀公年三十四

，萬母年三十有三。

民元前十九年（清光緒十九年癸巳，西紀一八九三） 公年十一歲

始入私塾，從姚寅谷先生讀。

民元前十七年（清光緒廿一年乙午，西紀一八九五） 公年十三歲

從廳下萬達善，與未婚妻萬氏共讀。

民元前十六年（清光緒二十二年丙未，西紀一八九六） 公年十四歲

從殷必亭先生讀。

民元前十五年（清光緒二十三年丁酉，西紀一八九七） 公年十五歲

從姚灣姚啓才先生讀。

民元前十三年（清光緒二十五年己亥，西紀一八九九） 公年十七歲

武賢公以上，皆業藥業於東魯，恆數年不一歸；公以不欲跋涉長途，因托族伯東旭荐入易順鼎封翁之師爺所設錢莊學徒，於是年三月初八日啓程，由舅父遷善暨萬如保二人送至九江，入店服役。（店

在今大中路四一八號）

民元前十二年（清光緒二十六年庚子，西紀一九〇〇） 十八歲

公服役之錢莊，因籌備未成，由原店店東唐師爺轉荐至方永成錢莊學徒，任客堂雜役。是年北方義和團事起，全國風動，公以未卒所業，堅不旋鄉。

民元前十一年（清光緒二十七年辛丑，西紀一九〇一） 十九歲

旋調書房書僮；師命題以「登樓看湖水」，公爲店少東對以「上殿願江山」句，師大賞之。

民元前十年（清光緒二十八年壬寅，西紀一九〇二） 二十歲

初滿師，調信房抄寫，月薪五百文，人戲呼爲「半吊子」。

民元前九年（清光緒二十九年癸卯，西紀一九〇三） 二一歲

調內賬房副手。

是年十月，業滿旋里，並與妻萬氏結婚，舅父遷善公女也。

民元前八年（清光緒三十年甲辰，西紀一九〇四） 二二歲

調信房正缺。

是年七月，初任「出水」，派往鎮江收賬。

民元前七年（清光緒卅一年乙巳，西紀一九〇五） 二三歲

迎武賢公歸養，於是年四月返省，公亦於秋節旋里省親。

民元前五年（清光緒卅三年丁未，西紀一九〇七） 二五歲

武賢公於是年正月初五日棄養，公匍匐奔喪，並在鄉守制。

是年六月，派往南京催收某道台賬款。

立志「欲想過外國一行，或去東洋學習三五年回國。」（見致貴叔書）。

長子公銑生。

民元前四年（清光緒二十四年戊申，西紀一九〇八） 二六歲

調任外賬，是年爲武賢公除服上堂，並於年冬在鄉度歲。次子公鑑生，旋殤。

民元前三年（清宣統元年巳酉，西紀一九〇九） 二七歲

是年十月奉派出水，至漢口、長沙、萍鄉等地，並收集前德化縣知事楊焜（號紹庭，川籍，時任萍鄉縣知事）借款。

民元前二年 (清宣統二年庚戌，西紀一九一〇)

二八歲

任信房兼理上街。

民元前一年 (清宣統三年辛亥，西紀一九一一年)

二九歲

二月，方永成因受上海義善源倒款影響擱淺；三月十九日，又遭同祿之災，八月派任溫家圳收款，十月武昌起義，九江響應。

民國元年

(壬子)

西紀一九一二年

三十歲

民國政府成立，仍赴九江，因方永成休業，改就吳三泰司賬，月薪二十千，十月奉派蚌埠駐莊，即在蚌屬懷遠縣度歲。

十一月三子公鐸(肖廉)生。

民國二年

(癸丑)

西紀一九一三年

三一歲

二月仍回店服務，並常川往來武漢南昌間，因祥安輪解款事，年終告辭。

民國三年

(甲寅)

西紀一九一四年

三二歲

入武穴民國銀行任營業主任，經理張仲三。

長子公銑殤，始迎母與眷來。

民國四年

(乙卯)

西紀一九一五年

三三歲

武穴民國銀行結束，改入南潯鐵路公司所辦九江通聚銀行，經理何朗軒。

民國五年

(丙辰)

西紀一九一六年

三四歲

一月通聚銀行因路局總理問題宣告收場。

十月與黃文植余願生籌設武穴聚昌錢莊。

民國六年

(丁巳)

西紀一九一七年

三五歲

聚昌莊組織成立，曹守先經理，公副之。

是年張勳復辟，銀根奇緊。

民國七年

(戊午)

西紀一九一八年

三六歲

仍在武穴聚昌莊，又先後介紹姪輩外出就事，並爲治婚事。

是年馮玉祥在武穴宣布獨立，黃文植時任商會會長，出任維持。

民國八年

(己未)

西紀一九一九年

三七歲

子肖廉始入武穴福音堂讀。

十月回籍省親，母萬氏於是月二十八日棄養。

民國九年

(庚申)

西紀一九二〇年

三八歲

在武穴聚昌莊入股，擬入九江吳三泰莊。

民國十年

(辛酉)

西紀一九二一年

三九歲

余願生新組友成銀號，堅邀入店服務，任副理兼營業主任。

子肖廉入左興隆私塾讀。

民國十一年

(壬戌)

西紀一九二二年

四〇歲

子肖廉入兆豐私塾讀。

民國十二年

(癸亥)

西紀一九二三年

四一歲

店東余願生於店後設孟晉家塾，聘中英文教師各一，子肖廉往讀，並聘魏葆姝爲媳。

民國十三年

(甲子)

西紀一九二四年

四二歲

塾師改聘曾恆齋先生，英文講席仍爲王幹候先生。

民國十四年

(乙丑)

西紀一九二五年

四三歲

當選洪都九縣同鄉會會董。

民國十五年

(丙寅)

西紀一九二六年

四四歲

兄定傳(八月)嫂嚙氏(四月)於是年先後病故。

子肖廉考取立第三中學，以第九名及格入學。

國軍北伐，九江於是年八月克復。

民國十六年

(丁卯)

西紀一九二七年

四五歲

廿五年一屆之「當神」盛典，由公主祀。

於祖塚亭湖山新砌石岸，防土墮也。

民國十七年

(戊辰)

西紀一九二八年

四六歲

久興紗廠開辦，董事長陶家瑤，經理陶舜友，營業部主任揭簡斯，公與余願生另組通裕紗號，

專供該廠用花。

起草錢業公會會章，公當選爲委員。

民國十八年

(己巳)

西紀一九二九年

四七歲

子肖廉時卒業省立第四中學初中，於族中發起組織班族家庭會，公力贊之。

倡議重修族譜，同村公禮(號節卿)亦有志於此，因於本年開局辦事，公被聘爲協修。

民國十九年

(庚午)

西紀一九三〇年

四八歲

十四屆重修族譜成，惜子肖廉赴斗門團出譜。

十一月爲子肖廉完婚。

民國二十年（辛未）

西紀一九三一年

四九歲

當選九江商會執行委員及錢業同業公會常委。

民國二十一年（壬申）

西紀一九三二年

五〇歲

子肖廉以是年六月卒業省立第四中學高中，旋考入國立暨南大學會計銀行學系。

孫女卿漢生，時肖廉有武漢參觀之行，命名曰漢。

民國二十二年（癸酉）

西紀一九三三年

五一歲

爲曾恆齋先生印教家格言一冊問世，公自爲之序。

輯孚廣自傳至五十歲而止。

民國二十三年（甲戌）

西紀一九三四年

五二歲

次孫女卿滬生，時肖廉留學上海，命名曰滬。

民國二十四年（乙亥）

西紀一九三五年

五三歲

六姪鼎巨病故，因送其妻熊淑貞入學。

民國二十五年（丙子）

西紀一九三六年

五四歲

八月公赴京滬蘇杭一帶遊歷。

九月爲諸子姪析爨，期有以自立也。已子肖廉僅得園地一方。書箱三只。

子肖廉畢業國立暨南大學，就江西省政府研究員，並兼南昌市商會商業學校教課。

民國二十六年（丁丑）

西紀一九三七年

五五歲

結束友成銀號事於是年遷南昌居住。